

Wanem prodak nao fama bai I
ekspekte sapos hemi manejem gud
wudlot o plantesen blong hem?



3. Prodaks

Bes prodaksen long saed blong kwaliti timba i kro bigwan long wan stret stampa nomo long wan Mahogany tri nomo sapos oli manejem gud wudlot folem ol manejen tekniks ia.

Rison hemi from:-

- Ol tri oli helti, bebet I no kilim ol tri long wudlot o plantesen mekem se ol timba i save stap longtaim.
- Oli save karem bigfala mani long timba.
- Hemi olsem wan bank we I laef I stap long kraon mo oli save usum olsem wan Karanti blong sikiurem wan lon long bank blong mekem wan bisnis o buildem haos.
- Hemi fiuja blong ol pikinini blong tomoro.
- Hemi addem ekstra valiu long kraon.
- Valiu blong wudlot hemi hae mo sapos oli planem ol akrikalja krops wetem ol wud ia, fama I save winim mani long ol difren taim bifo I karem mani aot long ol wud blong hem.

Sapos yu wantem moa infomesen
long saed blong manejem gud wan wud-
lot o plantesen, plis

kontaktem eni Ofis blong Dipatmen
blong

Forestri long Provins klosap long yu
blong oli save helpem yu.

Telefon namba blong ol forestry ofis
long ol Provins I go olsem,

1. Forestri Dipatmen HQ long Shefa 23171
2. Forestri Dipatmen long Tafea 88634
3. Forestri Dipatmen Ofis long Malampa 48705
4. Forestri Dipatmen Ofis long Sanma 36616
5. Forestri Dipatmen Ofis long Penama 38186
6. Forestri Dipatmen Ofis long Torba 38557



September 2010

Produced by Phyllis Kamasteia
Mapping Officer
Planning Section

Dipatmen blong Forestri I prodiusum smol liflet ia wetem
faenensial sapot blong NZAID long saed blong neseri estab-
lishmen mo wudlot manejmen.

1. Pruning hemi bes teknik blong applaem long wudlot o plantesen.



1. Pruning (Fasin blong katemaot ol fes branj) long wan tri.

Stret taim blong stat katemaot sam fes branj blong wan tri hemi shud tekem ples long wan eli ej kasem tri l kasem six (6) mita hae.

Rison blong applaem teknik ia hemi blong:-

- Tri l fri blong kro hariap mo bai l gat wan hae pesentej blong ol tri we l laef.
- No alaoem tri blong kro krukut blong l no spolem kwaliti blong tri.
- Ples l klia blong stopem sik ino afektem kro blong tri blong hemi kro helti oltaim,
- Nogat narafala tri l faet from kakai long kraon.

2. Thining hemi narafala bes teknik tu blong applaem long wudlot o plantesen.



2. Thinning (Fasin blong katemaot samfala tri sapos oli fasfas tumas insaed long wudlot o plantesen)

Narafala teknik we oli mas applaem taim ol wud oli kasem 10—15 yia hemi blong katemaot sam smol Mahogany tri we oli fasfas tumas o l gat nara tri we oli no kro gud nating wetem hemia we oli bin planem mo kipim hemia nomo we l kro stret.

Rison blong applaem teknik ia hemi blong:-

- Mekem se stampa blong tri l kro smut mo l stret wetem wan bigfala stampa nomo.
- Impruvum kwaliti blong timba mo leftemap valiu blong hem long lokol o ovasi maket.
- Ridiusum ol problems blong katem timba mo tanem l kam olsem ol finis prodaks.

Tingabaot se blong ol tri oli kro gud oltaim, katemaot inaf nomo ol fes branj mo livim plante l stap blong helpem tri l kro gud.

3. Widing tu hemi nara samting we l kontribiut bigwan long manejmen insaed long wan wudlot o plantesen.



3. Widing (Fasin blong katemaot kras o rob we l fasfas raon long stampa blong wan tri insaed long wudlot o plantesen.)

Widing aktiviti l save tekem ples long wan taim long evri 2 wik. I minim se fama l save katem kras tu taim nomo long wan manis. Bai l dipen plante long tu long weta mo wanem kaen bus we oli planem Mahogany long hem. Sapos tumas ren, I minim se l mas gat mo widening long wan manis. I kat tri kaen widening:-

- **Ring widening** (katemaot kras o rop 1 mita raon long stampa blong tri).
- **Laen Widging** (katemaot kras o rop 1 mita aot long tufala saed blong laen blong ol tri we oli planem).
- **Openemap laen** (katemaot ol narafala tri we oli stap long saed blong laen blong ol Mahogany we yu planem).

Rison blong katemaot kras o rop raon long stampa blong ol tri l blong:-

- Mekem se wud l kat inaf speis mo kakai long kraon blong helpem ol tri blong oli kro gud mo helti.
- Lukaotem gud tri we oli planem folem speising blong l gat gudfala timba prodaksen.
- Inkrisim kro mo valiu blong Mahogany tri.
- Ol kaen wud we oli kro andanit long shed ia nao oli safra mo. I minim se ol kaen wud olsem ia nao, oli mas katemaot blong l no kompit from kakai long kraon mo san wetem ol gudfala Mahogany tri we oli planem.